

序

今日吾人所習知之五洲、在華藏莊嚴世界海中、特滄海之一滴耳、晚近天文學大昌、發明大宇內星球無量、昔日詫佛說爲虛誕者、今方羣稱希有、可見世界之大、事物之繁、未可全憑吾人現前渺小知見、而妄斷其有無也、西藏喇嘛歷傳有人間淨土善拔納者、當釋尊成道後一年、其國法王之子月善、與九十六小法王、親於本師前受時輪金剛根本經、故此密法獨傳於善拔納國、後由班禪希魯哇等轉宏於印度西藏、獨未至中土、故吾人但知求生西方極樂世界、而不知有人間淨土善拔納者、實較極樂爲尤易往也、按善拔納有二十五部聚主、相承治世、並宏正法、今當第十九壓伏部聚主、傳至第二十五神武輪出世、戰勝魔刹異教、統一南洲、一千八百年中、佛法大宏、有修時輪金剛法者、莫不即身成就、故吾人欲入當來勝會、現前當即修學斯法、鄧夢

先居士久探密乘、得茲秘藏、今逢

班禪大師開壇傳授、共植勝因、後恐初心之士、或未聞密乘者、轉滋疑慮、故先從

寶金剛上師口授、譯成茲本、以廣流通、揆以世界無邊同業共變之理、吾人固當頂戴受持、而況金剛密乘、有不思議感應者乎、紹興朱慶

瀾謹序、

時輪簡說目次

善拔納略歷暨時輪密法源流

(一) 山海洲


(二) 善拔納形式

(三) 大城嚶拉巴四十三法王及神武輪教之

新創

(四) 後四時佛法住世之年代

目次



(一) 山海洲

大地風輪厚五十千由旬。寬四億由旬。內有金剛火燄及夫黑暗二地獄。火輪厚五十千由旬。寬三億由旬。內有火獄及無盡烟二獄。水輪厚五十千由旬。寬二億由旬。內有臭泥及沙水二獄。地輪厚五十千由旬。寬一億由旬。內有亂山石地獄。其上龍宮及阿修羅住處。四輪前後小。中間須彌山。東西空處五十千由旬。山根細處十六千由旬。七洲七海七山環之。

七洲一月洲二白光洲三最上古沙洲四米牙木吉洲五鶴洲六怒洲

七大沙部洲

七海一蜜海二二油海三酪海四乳海五水海六酒海七鹽海

七山一藍光山二曼達拉山三米斯拉山四寶光山五包若拉山六清

涼山七金剛鑽物所成之黑鐵山

六七兩山與滇彌山中央廣大不同。而上下平齊。計六山六海六洲包住滇彌山。中爲鹽海。大沙部洲繞之。四面露出大地各三。共計十二。善拔納在北方。因釋種中有善拔納者。始王其地。遂以名之。華言持樂出。乃自在之謂也。譯音東密作絳相巴噶。藏密或作香拔喇。或作莎巴納。或作善巴拉。

大沙部洲最近圍繞。東地形如半月。象風大。南三角形。象火大。西正方形。象地大。北圓形。象水大。因此人身亦象之。小便藍色由前降。紅大由右降。大便黃色由後降。白大由左降。精詳諸理。具本經中。大沙部洲十二地內南三地之中。即小沙部洲。中間金剛座。即賢劫一千零二佛成道處。東清涼五山。即文殊道場。南普陀山。即觀音道場。西五耳尖。即空行持明處。北善拔納。乃人類修持之所。此五差別之小沙部洲。自南起。依次六大地。初爲印度天竺。第二藏地。第三伊犁。第四漢地。第五大漢地。第六雨具足處。南北距二十五由

旬。河流有入海不入海者。

(二) 善拔納形式

雪山中間圓形似臍。形如蓮瓣；分爲二分。一爲臍量。二爲蓮瓣之量。臍量一千由旬。八瓣各一千由旬。臍外雪山繞之。八瓣外又各有雪山繞之。既經二重雪山圍住。所以一望皆雪。空處深山大壑。次土山。次草山。次林山。次香木山。產各種花卉。各種藥物。川流有海有湖有沼。果樹較其他部洲奇特美麗。蓮臍微高之處正中。善拔納法王大城嘎拉巴在焉。五寶所成。廣十二由旬。宮以子母綠金剛石水晶等爲飾。光燄爲明月所不能掩。日射尤威光奪目。寶座鑲沙部江之金如鏡。五十由旬地下水內之植物動物。均照其上。座邊時吐妙香。一由旬能聞。窻面眞琉璃輪。日月星辰與無上花林軌道十二宮等。如在目前。一切器物。價值之高。無從估計。

大城嘎巴拉外。雪山自內起至外止。量五百由旬。八蓮瓣上各有十二村落。共計九十六村落。又各有國王。共計九十六國王。

城北民居一兆。遠望琉璃石山。光明透澈。近視無覩。邊有莎羅樹柏樹等。密葉隱覆。善護菩薩。持須彌頂菩薩。地藏菩薩。文殊菩薩。哈拉哈拉觀音。聖度母。密宗主金剛手。髮母天女。真正聖菩薩。慈氏菩薩。如是十大菩薩。各有十千眷屬菩薩圍繞。現希有之相。

城南馬拉雅大林。量十二由旬。有月善法王所建之時輪金剛身口意圓滿大壇場。七寶所成。各方四百零四肘。此外各王續建壇場亦多。東有鄰海。量十二由旬。形如初八之月。

西有白蓮海。量十二由旬。形如半月。白蓮花及烏巴拉花充滿其中。海中各寶船。天龍與人。嬉游來去。

僧廟之中。有身口意差別之佛像甚多。以無量品物供養。沙門除衣鉢錫杖外。不持餘物。科頭跣足。與律無犯。自講小乘十八部規矩起。

至大乘四秘密宗經論。三部洲所有差別。勇男。空行母。部聚法王。各具神通之力。宗哈巴父子全集。供奉此間。正大宏揚。

法王之后妃子息甚多。生時降白蓮雨。越七日後。身隱護寶。即知係法王后妃。皆能生環住善拔納以外之九十六小國王。生時皆降烏巴拉花。誕生太子之先兆。則室中能生奇特蓮花。

法王及后妃。均有德聚四部梵庫藏一五欲。二摩尼寶。三法。四解脫。此四部藏明咒成就。國王方能立太子。或一或二。灌頂必在每年三月十五日。供養金剛明妃極衆。

文臣武將無數。沙惹那象。翅象。上馬車輿尤夥。

法王統系。在釋迦牟尼教五千年未滿時。相續不斷。講時輪金剛之法。多半八大成就。凡修明咒成熟之九十六小國王。均各有意力神杖。欲差遣時。將此杖給予使者。剎那即到。皆由修法明咒之力。龍與非天。均能驅使。食物差別。由龍、阿修羅、羅刹、密阿米吉等、供之

。帝釋不能爲比。自他賞財。明咒能力。聽其命令。

部主面白微紅。光明威嚴。使人敬畏。法律寬大。無鬥爭疾病諸事。冠以獅毛製造。前飾沙部金。手足錫悉放奇光。盤髮戴五佛冠。如轉輪王相。一切有緣。微見聞者即生善道。人民無衰老相。男子衣白衣紅。披在家袈裟。女子衣白衣藍。披寶花外服。平民皆具百寶摩藏。豐富安樂。根器自然趣善。多修密聚金剛、上樂金剛、戒朶金剛、時輪金剛、威德金剛等法。修他種佛法。成就亦衆。得般若定者尤多。即尋常未修者。于臨終頃修之。決生淨土。無墮惡道者。

(三) 大城嘎拉巴四十三法王及神武輪教之新創

印度之東。把嚙那之南。印漢交界處。有海隔之小部洲。俗名阿都嘎牙。有大村。名巴拉原尖。村邊有德聚癩集大塔。賢劫千佛中。第二

毘婆尸住世時。大荒。離此地十二行程。有一比丘。發願救濟諸苦衆生。以神通力。兩大粳米。飢民飽悅。餘米尙多。又以神通力堆積成塔。堅如阿爾噶土。外如鉄山。兩層圍繞。塔量行一日方繞一週。釋尊成道之後一年。歲在癸未。三月十五日。在鷲峯山。講般若波羅密多經。同時復在此德聚粳集塔中。顯現法體。口宣自在十二種諦義。其上並現德聚星宿壇城。斯時善拔納法王日光之子月善。與九十六小法王。並無量清淨眷屬。以其神通。來至龍樹住處。聚集本師佛前。於金剛體性大壇中灌頂。聽時輪金剛根本經。月善親爲記錄。迎奉善拔納國。造時輪金剛大壇城。註根本經。共一萬二千伽陀寶頌。此時輪金剛密法。住在善拔納國之緣起也。

善拔納昔時七法王。一月善。二帝釋。三威嚴者。四月賜。五大自在。六雜色。七帝釋聚。

凡稱部聚云者。乃一切部攝於金剛部之謂。二十五部聚主。一妙德稱

。二白蓮。三善。四尊勝。五善知識。六寶手。七徧入藏。八日稱。九最善。十尊勝海。十一王難。十二日。十三雜色。十四月光。十五龐身。十六守地。十七德守。十八獅子。十九壓伏。二十大力。二十一不滅。二十二人中獅。二十三自在。二十四龐身尊勝。二十五神武輪。

神武輪之後。又有十一法王。一梵王。二天王。三迦舍。四魚。五龜。六亥。七人獅。八小人。九能悅惹馬那。十第二惹馬那。十一黑。

據白蓮所述。歷代法王。皆是登地菩薩懸記。如月善、尊勝海、獅子、龐身尊勝、乃金剛手化身。帝釋、尊勝、日、大力、乃地藏化身。帝釋聚、日稱、守地、大自在、乃虛空藏化身。月賜、寶手、月光、人中獅、乃除蓋障化身。均轉世各四次。妙德稱、神武輪、梵王、乃文殊化身。計三次。白蓮、天王、乃觀音化身。計二次。此菩薩化身

轉世共二十一次也。

遣邊明王即鴉曼達嘎明王。化身爲威嚴者、爲善、爲王難、爲壓伏。昏悶明王即蓮花伐遣明王。化身爲大自在、爲善知識、爲後雜色、爲不滅、均轉世各四次。傲慢明王即無能勝明王。化身爲前雜色、爲徧入藏、爲寵身、計三次。怨魔明王即魔伐遣明王。化身爲最善、爲德守、計二次。此明王化身轉世共十三次也。

前七法王。二十五部聚主。加入神武輪長子梵王次子天王。此三十四位。化身轉世。班班可考外。尙有九世國王。但知第二惹馬那乃釋迦化身。黑乃神武輪化身。除均時輪本續授記者、大註但云皆係十地菩薩。某係某轉世未詳。外道編入天十故典。名亦相同。

法王壽量。第十第十一部聚主。在位四百零三年。第二十五以前之王。均踐祚百年。即將大權禪讓厥子。故其壽量無定說。或云百四十。或云百六十。惟天王梵王二位。各八百歲。迦舍壽四百歲。此時人民

。亦有壽至九百歲者。魚、龜、亥、人獅、四王時。自九百歲減至四百歲以下。小人、能悅、第二惹馬那、黑、四王時。又漸減至百歲。月善奉迎時輪金剛密法。閱六百年。妙德稱復講此經。歷一百年。特爲化度日車諸神衆。又造時輪根本經集疏。其後白蓮講根本經集疏。仍歷百拜。再造大註。名無垢光論。

是時有班禪希魯哇。與低薩且哇等。由善拔納至印度。弘揚時輪金剛密法。

又有希利巴得拉波的。及波羅蜜慧稱等。二十五翻譯。先後至西藏。廣傳時輪金剛密法。

轉法輪處。善拔納大城嚶拉巴。爲時輪金剛密法發源之所。

神武輪及二子梵王天王。孫迦舍。神通不學而能。魚王等八位。則須修習。二十五部聚主。最初之妙德稱。最末之神武輪。化身轉世均班禪佛。神武之義云何。一切能勝故名。

此時正係第十九部聚主壓伏法王在位之五十年。距神武輪出世。尙須經過大力、不滅、人中獅、大自在、龐身尊勝、五代。

明咒未修成就。不能往生善拔納者。因業力故。

神武輪教。即佛法之後四時。下章述之。

(四) 後四時佛法住世之年代

佛教住世五千年。人所共知。但前三千二百年乃前四時。後一千八百年乃後四時。即神武輪戰勝魔刹異教以後。佛教重興。分爲四期。一正法。二三聚。三二聚。四末法。各四百五十年。所謂後四時期者是也。

先是有大空鳥族。當第十部聚主尊勝海之甲申年。倡行魔刹教。魔刹或譯魔沙。或作墨沙。或云莫沙。其教與魔思特巴教略似。佛法未至善拔納時。已先有魔思特巴派。不習禪定。只認現世。不明因果。以

擾害民生爲務。完全自私自利。其七師與一切眷屬。均在該島。其名曰阿爾叨。曰阿懦嚙。曰怕司丹。曰基邦温波。曰白衣者。曰馬都馬的。曰窘設結克。又有大爾丹。或稱巴冷西樂勒。以算術爲主。大傳魔刹教。印度之莫思的克巴等外道皆歸焉。佛教大被摧殘。毀壞廟宇甚多。

魔刹教行世。雖無從確定年月。粗算一千八百年。

西域以丁卯年得時輪經。故以是年建首。第二十二丁卯中之丁未年。神武輪在位越五十年。顯教之阿毘達摩教時已過去。密宗四期末法方始。魔刹教之軍隊。忽侵入善拔納境。惟蓮臍中間嘎拉巴大城。因有雪山環繞。卒不得逞。

印度之西有伊吉利者。魔刹同類也。起無數軍隊。至悉達江以南。侵略印度西藏等處。幾握南瞻部洲主權大半。是時善拔納第二十五部聚主神武輪在位之五十年。此王智勇天錫。誕日天降寶輪。值彼貪橫。

心生憐愍。不變智慧中如山不動。入上馬無念定。親統六軍。象馬車乘無數。至悉達江。大張撻伐。

鑿戰之始。一切天保護部聚軍隊。一切阿修羅保護魔刹軍隊。結果而魔刹酋長吉利比勞來爲神武輪所誅。其大將二。一名大月子。爲部聚大將哈魯滿所殲。一名庚尊。爲部聚大將惹枯寶所殲。於是魔刹種類。降伏無餘。自第十三丁勿中之己酉年數起。三百餘年中。降馬卡處魔刹之時期未到。故善拔納之十二大天軍隊。不能至印度、須神武輪在位五十歲時。乃由小沙部洲右繞而來。

神武輪本身。應度衆生。事畢涅槃。歸色究竟天。圓滿報身成佛。神武輪教一千八百年。當色究竟天之一息。彼中人壽二萬一千六百年。此大沙部洲十二大地。各住一千八百年。合十二地計之。正二萬一千六百年也。

悉達江南北。神武輪兩子分疆而治。南印度。東西藏漢等處。次子天


王治之。善拔納法王。乃長子梵王也。

魔軍既服。正法重光。普天率土。咸沾佛化。南瞻部洲。顯密兼宏。此一千八百年中。神武輪教、正法、三聚、二聚、末法、四期。依次而住。與釋尊五千年教法。同時圓滿。密宗多延一百零三年。

是時人壽百歲漸增。空地百穀爭長。凡曾聽神武輪說法者。修時輪金剛法。即身成就。得悉地者如微塵數。寺廟宏開。護教如日。龍樹菩薩身首復合。以故身示教。宗喀巴祖師肉身。現住藏中。將來亦現于嘎爾丹金寺。法王阿薩惹請往說法。人民安樂。無諸病苦。雖小根器亦自有小成就。苟得時輪金剛密法中。上樂、密聚、威德、三者起正二分之相應修習。即身決成無疑。故極樂世界。一切菩薩。發願生南瞻部洲者以此。謹據諸大德諸法師異口同聲所述。介紹于善男信女之前。至于戒條誓句。觀想儀軌。以及三才感通之理。具詳經中。未依法灌頂者。不宜繙閱。已依法灌頂者。不宜宣說。密宗通例。遵佛制

也。

譯音有與密藏院印刷品不同者、因當日聽講、隨筆記錄、各省口音不同、遂致未能齊一之故、



跋

昔者佛說阿彌陀經、最末向舍利弗云、當知我于五濁惡世、爲一切世間說此難信之法、是爲甚難、至今則深信不疑者、已實繁有徒矣、乃忽有善拔納佛土之說出、且近在南瞻部洲、源流如彼、景象爲彼、佛法以妄語爲大戒、倘云嚮壁虛造、在未聞佛法者、偏執揣測、自然不信、佛教徒則異是、不但有形之塔廟靈蹟、足增敬仰、即經典中博大精深之理、亦知決非僞造、蓋其圓融推勸、枝分派別、人類心理中、不能臻此境界也、獨對於善拔納、雖聞如來誠實之語、必懷疑惑、文佛當日、胡爲舍近求遠、置本土不言、乃遠至十萬億佛土以外、濁世凡夫、欲泯去較量心、決無其事、縱不敢存尋常優劣之觀念、終不免作權衡難易之思想、揭去疑雲、似屬急務、茲惟就佛理判斷、始可渙然冰釋、必先滌去吾輩軒輊之成見、乃能漸明我佛接引之苦心、蓋阿

彌陀經所云一心不亂一日至七日、太平之民優爲之、末法時代、談何容易、惟時輪金剛經、上自天文中之日月星辰、下至地理中之山川草木、徵諸人身之精氣脈絡、闡發三才、息息相通之義、科學時代、最爲應機、顯晦有時、故今日機緣始成熟也、前者內憂外患、愈出愈奇、班禪大師、護國有責、修傳時輪金剛大法、建立密壇、消除災禍、眞殊勝之因緣、公私均受益不淺、望吾國人注意、尤望佛教徒發心、

民國二十三年歲次甲戌仲春江陵鄧夢先敬述

2

171249